

Dapi diesch onns dovra «La Usc» il ladin standard

■ «La Usc di Ladins», la gasetta emniala edida da l'Union Generela di Ladins dla Dolomites, scriva ina gronda part da la rubrica «Atualité» en ladin dolomitan. Dapi l'onn 2000 duvrain nus il ladin standard sco varianta scritta per publicgar rapports e reportaschas che na pertutgan betg mo ina suletta vallada. Nossa redacziun sa tegna a la versiun ufiziala dal ladin standard creada da Hein-

rich Schmid ed elavurada da la gruppada lavur Spell (Servisc de planificazion y elaborazion dl lingaz ladin). Actualmain fan puspè diversas redacturas e divers redacturs da La Usc di Ladins in curs da ladin standard.

La redacziun da La Usc di Ladins ha fatg experientschas positivas cun il diever dal ladin standard. Nus survegnin mo paucas brevs e remartgas scepticas en

connex cun il diever da questa lingua unifitgada. Quai è in fatg e betg forse mo ina supposiziun! Era l'Union Generela di Ladins dla Dolomites, in'istituziun che correspunda a la Lia Rumantscha en il chantun Grischun, dovra dapi diesch onns il ladin standard per la gronda part da sias publicaziuns.

Iaco Rigo, schefredactur La Usc di Ladins



Festa da 60 onns da La Usc di Ladins a Urtijei/Gherdeina, il december 2009. Da sanester: Hilda Pizzinini da la Val Badia, presidenta d'onur da l'Union Generela di Ladins dla Dolomites; Lorenzo Soratroi da Fodom, redactur da La Usc di Ladins da Fodom; Iaco Rigo da Mareo-Val Badia, schefredactur; Lucia Gross da Fascia, redactura da La Usc di Ladins da Fascia ed Elsa Zardini da Cortina d'Ampezo, presidenta da l'Union Generela di Ladins dla Dolomites.